

Տարեկան գինը 10 րուբլ է և տարվանը 6 րուբլ:

Թիֆլիսում գրվում են միմյան խմբագրատան մէջ:

(Օտարադաշտացիք զինում են ուղղակի
Тифлис. Редакция „Мусако“

ՄԱՍԿ

Խմբագրատունը բաց է առաւօտեան 10—2 ժամ
(Բացի կիրակի և տոն օրերէն):

Տպարարութիւնը ընդունում է ամեն ընդունիչ:

Տպարարութիւնները համար վճարում են
իւրաքանչիւր բառին 2 կոպէկ:

ԲՈՂԱՆԴԱՆՈՒԹԻՒՆ

Թատրոն Ուստատանում:—Եւր. քին տե-
սութիւն: Նամակ խմբագրին: Ներքին լուրեր:
—Արտաքին տեսութիւն: Բէլգիա:—Խա-
ռը լուրեր:—Յայտարարութիւններ:—Բանա-
սիրական: Ամուսնութիւն և եկեղեցի:

ԹԱՏՐՈՆԸ ՌՈՒՍԱՍՏԱՆՈՒՄ

Վերջին ժամանակները մի զար-
մանալի երևոյթ է նշմարվում
Ռուսաստանի թատրոնական գոր-
ծի մէջ: Թէև այնքան երևելի բե-
մական տաղանդներ, գուցէ, չը
կան այժմ ռուսաց բեմերի վրա,
ինչպէս եղել են քառասուն, յիսուն
տարի սրանից առաջ, բայց ուրիշ
կողմից ռուսաց թատրոնական
գործին գրեթէ ամեն տեղ սկսում
են մասնակցել հասարակութեան
բարձր դասակարգի, ազնական-
ների և ինտելիգենցիայի ներկա-
յացուցիչները:

Եւ այդ երևոյթը նշմարվում
է ոչ թէ միայն տղամարդիկներին

վերաբերութեամբ, բայց և անթիւ
կանայք և օրիորդներ, արիւնի և
մտաւոր արիւտօկրատիային պատ-
կանող, մոնում են բեմը և նուի-
րում են իրանց թատրոնական
գործին:

Գուցէ եւրօպական ոչ մի եր-
կրում երբէք այդ տեսակ երևոյթ-
է եղել և նշանաւորն այն է որ
ոչ թէ միայն ռուսաց մայրա-
քաղաքների բեմերի վրա զուր
կը պատահէր հասարակութեան
բարձր դասակարգից գուրս եկած
ղերասաններին և զերասանուհի-
ներին, բայց նոյնը կը տեսնէք գը-
րեթէ իւրաքանչիւր գաւառական
քաղաքի բեմի վրա: Մի տեղ կը
տեսնէք որ մի գեներալի աղջիկ օ-
պերայի երգչուհի է դառնում, մի
ուրիշ տեղ որ ունեւոր կալուածա-
տէր, կամ իրաւաբանութեան կան-
դիդատ իրանց զերասանութեան
են նուիրում, մի երրորդ քաղա-
քում մի հրաժարական տուած
գվարդիայի օֆիցեր, նշանաւոր
ընտանիքին պատկանող թոզնում
է իր փայլուն ասպարէզը իր ամ-

բողջ կեանքը բեմական արհեստին
նուիրելու համար, և այն....

Այդ մի շատ մեծարական
երևոյթ է և ապացոյց է որ ռու-
սաց հասարակական կարծիքը ըս-
կսում է նայել բեմի, թատրոնի
վրա, որպէս մի ազնիւ, դաստիա-
րակիչ հասարակական վսեմ գոր-
ծունէութեան վրա:

Գուցէ այդ երևոյթը, բացա-
րովում է նորանով որ ռուսաց
արիւտօկրատիան և ինտելիգեն-
ցիան շատ պարապմունքներ չը
գտնելով իր համար, գրավում է
բեմական արհեստով—բայց այնու-
ամենայնիւ դա այնքան համակրա-
կան երևոյթ է, որ անկարելի է
չը ցանկանալ որ և մեր հայոց
հասարակութիւնը աշխատէր օրի-
նակ առնել ռուսաց հասարակու-
թեան մէջ վերջին տարիներում
այդ յայտնիղ երևոյթից:

Գ. Ա.

ԲԱՆԱՍԻՐԱԿԱՆ

ԱՍՏՈՒՆՈՒԹԻՒՆ ԵՒ ԵԿԵՂԵՑԻ

Վերջին ամիսները եւրօպական երկու կաթոլիկ
պետութիւնների օրադամանակներում և հասարակա-
կան կարծիքի մէջ միաժամանակ յարուցելուց մի և
նոյն խնդրը, որ, ինչպէս երեւում է, աստիկ յու-
զում է այդ երկու երկրներին թէ պարլամենտական
նիստերը և թէ նրանց հասարակական կարծիքը:

Մենք խօսում ենք Ֆրանսիայի և իտալիայի վրա,
որտեղ միաժամանակ յարուցելուց քաղաքական
ամուսնութեան և ամուսնական բաժանման (պալա-
տարգանի) խնդիրը:

Կաթոլիկ եկեղեցին (և առհասարակ եկեղեցին)
շատ խիստ է ամուսնական կապերի վերաբերու-
թեամբ, Նա համարում է ամուսնական կապերը
անկաշիւ, բացի դուցէ երեք պատճառներից—ա-
մուսնանքից մինի մահը, նրանցից մինի անբարո-
յակամութիւնը, կամ վերջապէս ամուսնանքից մի-
նի ամուսնական անկարողութիւնը:

Ուրիշ, որ և է բարոյական պատճառներ ապա-
հարգանի համար եկեղեցին չէ ընդունում:

Այժմ, երբ մի կողմից իտալական պարլամենտը
յարուցանում է պարտադիր քաղաքական ա-
մուսնութեան խնդիր, իսկ միւս կողմից ֆրան-
սիական պարլամենտի ձախ կողմին պատկանող
ճարտար ատենաբան պ. Նակէ պահանջում է
Ֆրանսիայում թէ քաղաքական ամուսնութեան և
թէ ապահարգանի օրէնքի մոցնելը, դուցէ ձեռք բը-
թեցողներին հետաքրքիր կը լինի իմանալ ինչ ա-
պացոյցների վրա են հիմնում և միշտ հիմնել են

իրանց դատողութիւնները կրեական այդ երկու
երկրներում հին օրէնքի հակառակորդները:

Ամուսնութիւնը մի ընկերակցութիւն է, ինչպէս
ամեն մի ընկերակցութիւն, այն զանազանութեամբ
որ ամուսնական ընկերակցութիւնը հասարակու-
թեան առջև աւելի բարձր, վսեմ պատասխանա-
տուութիւն է յանձն առնում, քան թէ որ և է ու-
րիշ մի ընկերակցութիւն: Ամեն մի ընկերակցու-
թիւն աչքի առաջ ունի այս կամ այն մասնաւոր
և հասարակական օգուտ, ունի հասարակութեան
վրա բարոյական ներգործութեան կամ հասարա-
կութեան համար նիւթական արդիւնաբերութեան
նպատակ: Բայց ոչ մի ընկերակցութիւն չունի հա-
սարակութեան մէջ անգիտ բարձր, վսեմ պաշտոն,
որքան ամուսնութիւնը և ընտանիքը, որովհետեւ ա-
մուսնութեամբ երկու անձնաւորութիւններ կապ-
վում են թէ իրանց փոխադարձ կատարելագործու-
թեան և երջանկութեան համար, թէ մարդկութեանը
նոր սերունդ արդիւնաբերելու, և այդ նոր սերուն-
դը արժանաւոր կերպով դատարկակերպ հասնու-
թեան:

Բայց ամեն մի ընկերակցութեան կապերը, երբ
ընկերակցութեան երկու կողմերն էլ համադրվում
են թէ ընկերակցութեան գործերը անաշուղ են զը-
նում, թէ մասնակցողները փոխանակ օգտակու-
լեան են կրում, կարելի է խղիւ: Իսկ ամուսնա-
կան ընկերակցութիւնը, որքան էլ անաշուղ յայտն-
վէր, որքան էլ զփառող լինէին ընկերակցութեան
երկու կողմերը, կաթոլիկ եկեղեցին անհարկն է
համարում քանդել:

Ամուսնական արահարգանքը կաթոլիկ եկեղեցին
անբարոյական ու թէ և համարում է այդ
պատճառով ընդունում է որ երկու ամուսնանքը
կարող են բաժանվել միմյանց այն ժամանակ, երբ
նրանցից մինը կամ անգոր է ֆիզիկապէս, կամ
երբ նրանցից մինը անբարոյական է: Կարծես թէ
չէ կարելի որ երկուսն էլ բարոյական, օրինաւոր,
ազնիւ մարդիկ լինէին, բայց նրանց բնաւորու-
թիւնները չը յարմարվէին միմյանց:

Երևակայեցէք ձեզ որ մի տղայ և մի աղջիկ
պատկանում են, ամուսնական կապեր են կապում
իրար մէջ, համոզված լինելով, ի հարկէ, որ ձա-

նաչում են միմեանց բնաւորութիւնը, որ ընդու-
նակ են միմեանց բնաւորական գործը առաջ քանի-
րու: Միմեանք են մի քանի տարիներ, գուցէ մի
քանի ամիսներ,—և երկու ամուսնանքը նոր են
տեսնում թէ բոլորովին չէին ճանաչում միմեանց,
թէ նրանց բնաւորութիւնները բոլորովին անյարմար
են միմեանց, թէ նրանց միասին ապրելը երկուսին
էլ վնաս է, որովհետեւ նրանց մէջ անդադար ծըն-
վում են անբաւականութիւններ, կռիւներ, երկ-
պառակութիւններ,—և այդ բոլորը վերջնում է
փոխադարձ անհաշտ թշնամութեամբ: Բայց եկե-
ղեցին ասում է՝ այդ ոչինչ չէ նշանակում, դար-
ձեալ միասին պէտք է ապրէք, անբաժան լինէք
մինչև մահը, այդ տեսակ բարոյական պատճառներ
նշանակութիւն չունեն: Ի՞նչ է դա հետևանքը,
թշնամութիւնը աստուածում է, յարաբերութիւն-
ները անտանելի են դառնում, բայց դարձեալ ըն-
կերակցութեան երկու անդամներն էլ պէտք է մը-
նան միմեանցից անբաժան: Այդպիսով նրանց ոչ-
փերը, նրանց բարոյական գործութիւնները նուազ-
վում են, ապաւում են ապարդիւն կուլ մէջ,
նրանց կեանքը անպէտք է անցնում թէ հասարա-
կութեան և թէ իրանց անձի բաղդաւորութեան
համար: Կամայ ախմայ երկուսն էլ, որոնցից ա-
մեն մէկը դուցէ շատ ազնիւ անձնաւորութիւն է
և մէկ մէկից ջոկ կարող էր շատ օրինաւոր ան-
հատ և պիտանի անձն լինել հասարակութեան հա-
մար, սկսում են իրանց օրով մէջ միմեանք մահը
ցանկանալ.... դա արդէն յանցանքի, երկունագոր-
ծութեան սիկոլոն է: Բայց եկեղեցին ասում է՝
դարձեալ պէտք է միասին ապրէք:

Վերջապէս դուցէ և պատահում է մի երեւոյթ-
գործութիւն.... Այն ժամանակ քաղաքական դա-
տարանք, որ գործ չունէր եկեղեցական ամուսնու-
թեան հետ, իրաւամբ դատապարտում է երեւոյթ-
գործին:

Բայց աւելի վատ է, երբ երկու ամուսնանքի
երկու անդամներն են, անհաշտ թշնամական յարա-
բերութիւններին վկայ են լինում զաւակները, ո-
րոնք մանուկ օրերից ընտանում են այդ կռիւնե-
րին, կրթվում են անբարոյ ծնողների թշնամութեան

ՆԵՐՔԻՆ ՏԵՍՈՒԹԻՒՆ

ՆԱՍԱԿ ԽՍՐԱԿԻՆ

Բազու, 21 մայիսի

Կարգավոր ձեռն պատուէլի լրագրի մէջ «Արա-
րատեան ընկերութեան» օգտին նուիրատուութեանց
մասին, ինձ ևս պարտաւոր համարեցի ըստ չափու
կարողութեանս օգնել նիւթապէս այդ վսեմ ընկե-
րութեանս—Այդ նպատակով աշուղեց ինձ ժողո-
վել իմ բարեկամներից ասանց ստորագրութեան
78 րուբլ 40 կոպ., սրա վրա աւելացնելով ինձա-
նից 30 րուբլ 60 կոպ., բաղդ ունեւ ուղարկել
ձեռն խմբագրութեան ընդ ամեն հարկիւ և ինն
րուբլ և ինդրիլ հասուցանել այդ գումարն ուր
հարկն է, ծանուցանելով այս մասին ձեռն պատուէլի
լրագրի մօտաւոր համարների մէջ:

Ընդունեցէք և պն:

Նիկոլայեթ խաչատուրեան Սարգսեանց

ՆԵՐՔԻՆ ԼՈՒՐՆԵՐ

Խմբագրութիւնից անկախ պատճառներով հրա-
տարակում ենք այս օրվայ համարը կէս թերթի
մեծութեամբ:

«Մշակի» № 81-ի մէջ տպված Մեղրիի նամակի
տակ խաչատուր Մ. Մարումանց ստորագրու-
թեան տեղ սխալմամբ դրված էր խաչատուր Մ.
Մամուլեանց:

և բարոյական տանջանքների չընկնում: Այն նոր
սերունդը որ պատրաստում է ընտանիքը, ահա ա-
պագայ քաղաքացիներ, որոնք մեծանում են ծնող-
ների երկպառակութեան, շատ անգամ մինչև կա-
տաղութիւններ հասցնում թշնամական յարաբերու-
թիւնների օրինակներ իրանց աչքի առաջ: Իրանց
քաղաք հասակից տեսնելով:

Ամբողջ կաթոլիկ աշխարհում այս րօպէլիս տը-
տերադմ է նշմարվում եկեղեցու և քաղաքական
իշխանութեան, պետութեան մէջ: Կաթոլիկ եկե-
ղեցին դարձելով անաշտ է մնացել, ոչ մի քաղ չէ
արել դէպի առաջ, չէ կամեցել յարմարվել ժամա-
նակի պահանջման: Իսկ այն հիմնարկութիւնը, որ
անշաղթ է մնում, առաջադիմութիւն չէ անում, նա
բնականապէս պէտք է տեղ տայ մի ուրիշ հիմ-
նարկութեան: Այդ էր արդեւում կաթոլիկ եկեղե-
ցուն առաջ գնալ, յարմարվել ժամանակակից պա-
հանջման, անդադար նոր հասնել, նոր, ժամանա-
կակից տարրեր իր մէջն ընդունել: Եւ այդ չը կա-
րողացաւ կամ չուզեց անել,—թող չը քանդատուի,
եթէ պետութեանը նրան պատերազմ է յայտնել և
հետզհետէ նրա տեղն է լռում, իսկով մի առ մի
նրա հին իրաւունքները, ինչպէս Գերմանիան է
արել: Եկեղեցական ուսումնարանների տեղ,—կա-
թոլիկ երկրները մոցնում են պետական դպրոց-
ներ, եկեղեցական ամուսնութեան տեղ,—հետզհե-
տէ քաղաքական ամուսնութիւն է հաստատվում:
Եկեղեցական մկրտութեան և եկեղեցական թաղ-
մանն անգամ փոխարինում են քաղաքական մկր-
տութիւնը և քաղաքական թաղամբ:

Կաթոլիկ եկեղեցին ինքն իրան անշաղթութեամբ
դատապարտելով,—դատապարտեց իրան մօտիկ ա-
պագայում և մահվան:

Կաթոլիկ եկեղեցին կարող է իրան աղատել
հաստատ մահից միայն մի միջոցով՝ ընդունելով իր
մէջ ժամանակակից սկզբունքները:

Ահա ինչ ներքին խռովութիւններ են ներկա-
յացնում մեզ այս րօպէլիս եւրօպական կաթոլիկ
երկրները:

Փարիզ.
